

文藝

列傳第二十七

光祿大夫

經筵講官明史總裁戶部尚書加七級

臣王鴻緒奉

敕編撰

齊泰

黃子澄

方孝孺

胡子昭盧原質

材嘉猷

樓

練子寧

宋徵徐子權

暴昭

侯泰

陳迪

景清

景清

陳性善

卓敬

郭仕

郭仕

茅大芳

周璿

胡開

廖昇

廖昇

黃觀

戴德彝

王叔英

王叔英

王艮

高遜志

黃鉞

陳繼之

韓永翼

曾鳳韶

王度

張德明

王彬

魏冕

鄒瑾

謝

甘霖

連

楫

程本立

陳植

齊泰溧水人初名德洪武十七年舉應天鄉試第一明年成進士歷禮兵二部主事雷震謹身殿太祖購郊廟擇歷官九年無過者陪祀德與焉賜名泰二十八年以兵部郎中擢左侍郎太祖嘗問泰邊將姓名泰歷數無遺又問諸圖籍出袖中手冊以進簡要詳密太祖大奇之洪武三十一年閏五月太祖崩辛卯皇太孫即皇帝位遺詔諸王臨國中毋奔喪王國所在吏民聽朝廷節制諸王謂泰矯皇考詔間骨肉皆不悅先是太祖不豫遣中官召燕王王已至淮安泰急出符勒歸藩踰月始訃諸王燕王由是益恨泰帝於皇太孫時雅重

泰至是進泰爲本部尙書與黃子澄同叅國政專以削藩爲
事於是周王橚代王桂湘王柏齊王博岷王梗不數月間相
繼得禍遂至於燕謀擒王機洩王紹殺文武守臣舉兵反騰
書於朝引祖訓以誅奸臣齊泰黃子澄爲兵端泰益慷慨任
事請聲其罪以致討或難之泰怒曰明其爲賊敵乃可克名
正言順又何疑焉遂削燕屬籍布告天下拜長興侯耿炳文
爲征虜大將軍帥師北伐以炳文子璿尙孝康皇帝女爲肺
腑戚而炳文又太祖時宿將故泰等倚之以克敵然炳文年
已六十餘平日征討雖有功未嘗獨將至真定猝爲燕王所
敗炳文乃據城以守燕亦不能克也遂還北平泰等聞炳文
敗急謀代者子澄薦李景隆泰極言不可子澄不聽卒命景
隆

隆統衆五十萬以攻燕當是時帝舉傾國兵以畀景隆謂燕可旦夕破燕王顧大喜曰昔漢高止能將十萬景隆何才其衆適足爲吾資也其冬景隆果敗帝有懼色會燕王上書極詆泰子澄帝乃解二人任以謝燕而陰留之京師俾叅密議景隆遺燕王書言二人已竄可息兵歸藩而燕王以二人肇兵實禍之本除二人則兵自弭執不聽明年盛庸捷東昌帝喜命二人任職如故及夾河收復解二人官求罷兵燕王曰此緩我也進益急始削藩議起帝入泰與子澄之首視天下制一隅易及師屢敗意中悔欲且止而勢又不可是以進退兩人失據追燕兵日逼復召泰還未至而京城已不守泰走外郡謀興復時購泰急泰墨白馬走行稍遠汗出墨脫或曰

此齊尙書馬也遂被執赴京不屈同子澄方孝孺戮於市天下惜此三人者意甚忠而不能爲帝定亂也泰從兄弟敬宗等皆坐死叔時永陽彥等謫戍子甫六歲免死給配仁宗時赦還福王時贈太保諡節愍

黃子澄名湜以字行分宜人洪武十八年舉會試第一進士及第授翰林院編修進修撰兼讀東宮累遷太常寺卿建文帝爲皇太孫一日坐東角門謂子澄曰諸王尊屬擁重兵奈何對曰諸王護衛兵纔足自守萬一有變以大師臨之其誰能支漢七國非不强卒底亡滅大小強弱勢不同而順逆之理異也太孫喜曰得先生謀可無慮矣比卽位命子澄兼翰林學士與齊泰同叅軍國事謂子澄曰先生憶昔東角門之

言乎子澄頓首曰不敢忘過而與泰謀泰曰他事不足動惟
大逆則不宥燕王志廣氣剛氣剛者易挫加以不軌孰信其
誣去其大則小者自懼子澄曰不然周岷代諸王在先帝時
尙多不法何況今日於今作過周王必先周燕之母弟取周
卽以剪燕也侯周有罪卽令燕議之彼必來救救則可以連
坐是在我有名而彼且勢孤取之何難謀定明日入白帝帝
喜曰善會有言周王不法者陰使曹國公李景隆率兵佯
備邊道開封圍王宮而執之并妃子官屬逮至京廢爲庶人
赦燕王議其罪燕王太恐上書申救言甚懇至帝覽書惻然
謂事莫如且止子澄與泰爭之未決出相語曰上婦人之仁
耳今事勢如此安可不斷明日又入言曰周王已廢所慮獨

燕耳不亟圖之使得漸爲謀非計也去燕他無足患矣帝猶
疑曰朕卽位未久連黜諸王若又削燕何以自解於天下子
澄曰爲大事者不顧小信況太祖常注意燕王欲傳天下陛
下幾失大位矣非二三臣力爭則固已爲所有陛下安得有
今日哉今事幾至此又其病久未愈正天與之時先人者制
人毋爲人制帝曰燕王智勇善用兵雖病恐猝難圖泰曰今
邊報北寇有聲息但以邊爲名發軍戍開平其護衛精銳
悉調出塞去其羽翼無能爲矣帝領之初北平都指揮使謝
貴布政使張昺帝已令三人察防燕事至是命都督宋忠調
緣邊官軍屯開平選燕府護衛精壯官軍隸忠麾下召護衛
胡騎指揮關童等人京以弱燕之兵力調北平永清左右衛

官軍一駐彰德一駐順德都督徐凱練兵臨清都督耿獻練兵山海關以控制燕皆自泰子澄謀也時燕王憂懼稱病以世子及兩郡王在京益稱病篤乞三子歸燕泰欲收之子澄曰不可若收三子則彼先發有名且得早爲備不如遣歸示不疑乃可襲而取也竟遣還未幾燕山護衛百戶倪諒告燕府旗校于諒等逆謀天子以書讓燕王王見五王未有顯過幽廢且死已必不免而指揮張信密以將逮王告遂與指揮張玉朱能等謀一日盡奪九門泣誓將吏軍民曰陷害諸王非由天子意乃奸臣齊泰黃子澄所爲今又欲殺我徒死而被惡名何甘故以兵自救請誅奸臣後歸命天子其下皆爲感奮旁燕將弁亦多附者衆遂至數萬宋忠退走懷來不敢

始帝信任子澄驥事削藩泰又附直敢爲力贊成之在廷
大臣心知其必亂而無敢言者且兩人本書生與將帥素不
相習而燕王歷經征伐能用其下既據北平爲天下精兵處
復拔大寧三衛番騎以佐軍其勢已不可禦矣耿炳文帥師
北討燕襲之大敗於滹沱河帝聞語子澄曰奈何對曰勝敗
兵家常事今天下全盛士馬精強兵甲堅利糧餉充足曷
燕何足慮帝前代者曰曹國公李景隆可以當之使早用此
人豈有失哉帝遂用景隆而景隆益無能一大敗於鄭村塢
二大敗於白溝河喪失軍輜士馬數十萬景隆棄德州南奔
燕兵尾之又敗於濟南城下帝急召景隆還赦不誅子澄慟
哭請止其罪帝終不聽子澄拊膺曰大事去矣薦景隆誤國

萬死不足贖罪自是子澄氣沮不能建一策南文學博士方
孝孺主兵事用歷城侯盛庸代景隆都督陳璘平安爲副於
是有東昌之捷然不久燕師復出虜等失利乃解子澄官已
而復之及燕兵日南復請子澄勸令募兵於外子澄微服出
太湖至蘇州與知府姚善倡義勸王善上言子澄才略足捍
國難不宜棄閒遠以快敵人乃復召子澄未至而京城破欲
與善航海乞兵善不可乃就嘉興楊任謀舉事爲人告俱獲
執子澄至成祖親詰問之抗辨不屈磔死論者謂帝之亡實
由于澄云子澄族人無少長皆斬如黨悉戍邊二千變姓名
爲田經遇赦家湖廣咸寧正德中進士黃表其後云楊任洪
武中由人材起家歷官袁州知府時致仕匿子澄於家被執

傑死二子禮益俱斬親屬戍邊福王時贈子澄禮部尚書諡節愍任太僕少卿

方孝孺字希直一字希古寧海人父克勤洪武中循吏自有傳孝孺自幼警敏雙眸炯炯讀書日盈寸鄉人目爲小韓子長從宋廉游濂及門多天下知名士一旦遂出其上先輩胡翰蘇伯衡亦皆自謂弗如孝孺顧末視文藝恒以明王道致太平爲己任嘗臥病絕糧家人以告笑曰古人三旬九食貧豈獨我哉洪武十五年以吳沉揭樞薦召見太祖喜其舉止端整謂皇孫曰此莊士當老其才禮遣還後爲仇家所連逮至京太祖見其名釋之二十五年又以薦召至太祖曰今非用孝孺時除漢中府教授日與諸生講學不倦蜀獻王聞其

賢聘爲世子師每見陳說道德王尊以殊禮名其讀書之廬曰正學建文卽位召爲翰林侍講明年遷侍講學士凡將相大政議輒咨孝孺帝好讀書每有疑卽召使講解臨朝奏事臣僚面議可否必命孝孺就展前批荅時修太祖實錄及類要諸書孝孺爲總裁更定官制孝孺改文學博士靖難兵起日召謀議詔檄皆出孝孺手然孝孺儒者兵謀非其所長況當黃子澄用李景隆敗衄之後中朝兵氣益以不振建文三年燕兵掠大名王聞齊黃已竄上書請罷吳傑平安盛庸兵帝以書示孝孺孝孺曰燕兵久頓大名天暑雨當不戰自罷急令遼東諸將入山海關攻永平真定諸將渡盧溝搗北平彼必歸援我以大兵躡其後可成擒也今其秦事適至宜且

與報書往返踰月使其將士心稍懈懈則衆離我謀定勢合
進而蹴之不難矣帝以爲然命孝孺草詔遣大理寺少卿薛
崑馳報燕盡赦燕罪使罷兵歸藩又爲宣諭數千言授崑持
至燕軍中密散諸將士比至崑匿宣諭不敢出歸京未見帝
孝孺私就問崑燕王何言兵勢若何崑言王語直其上下如
父子然吾軍雖十倍於彼氣驕而懈且諸將不和未見有必
勝之道孝孺默然崑入見具以實奏帝語孝孺誠如崑言齊
黃誤我孝孺曰聞崑來時燕王重賄之不足信也遂罷五月
吳傑平安盛庸發兵擾燕餉道燕王復遣指揮武勝奉書如
前請帝將許之孝孺曰陛下卽欲罷兵兵一散難復聚彼長
驅犯闕何以禦之願毋爲所惑帝於是殺勝燕聞勝被殺遣

兵掠沛縣燒糧艘以絕南軍餉道孝孺言於朝曰今河北師老無功而德州又絕餉道事勢可憂向以罷兵之說誘之既不能行臣別有一策帝曰試言之對曰燕世子仁厚得國人心其弟高煦狡譎素忌其寵今但用計離間其世子彼既疑世子則必趣歸北平卽吾德州之餉道通矣餉道通卽兵氣振可圖進取也帝遂命孝孺草書貽世子而令錦衣衛千戶張安齋往世子得書不啓封并安送至軍前問究不得行明年五月燕王駐師江北帝乃下詔徵四方兵孝孺曰事急矣遣人許以割地稽延數日東南募兵漸集北軍不長舟楫我據天塹之險與戰江上勝負未可知也帝遣慶成郡主往燕軍陳其說燕王不聽孝孺乃令人燒江北船以阻北兵而陳

瑄早以戰艦降燕燕兵遂渡江時四年六月乙卯也帝聞緣江兵潰憂懼不知所出孝孺曰今城中尙有勁兵二十萬城高池深糧食充足盡撤城外民舍驅民入城足以爲守然是時京師空虛實無所爲勁兵也孝孺又以前遣郝主未足濟事帝乃復遣李景隆輩偕諸王前後以割地息兵爲請燕王卒不聽或勸帝他幸以圖興復孝孺請堅守京城待四方援兵卽事不濟當死社稷乙丑金川門開燕兵入帝自焚是日鎮撫伍雲執孝孺以獻成祖命繫獄先是成祖發北平姚廣孝以孝孺爲託曰城下之日彼必不降幸勿殺之殺孝孺天下讀書種子絕矣成祖領之至是欲使草謫召至悲慟聲徹殿陛成祖降榻勞曰先生毋自苦予欲法周公輔成王耳孝

孺曰成王安在成祖曰彼自焚死孝孺曰何不立成王之子
成祖曰國賴長君孝孺曰何不立成王之弟成祖曰此朕家
事顧左右授筆札曰詔天下非先生草不可孝孺投筆於地
曰死即死詔不可草成祖怒命磔諸市孝孺慨然就死作絕
命詞曰天降亂離兮孰知其由奸臣得計兮謀國用猶忠臣
發憤兮血淚交流以此殉君兮抑又何求嗚呼哀哉兮庶不
我尤時年四十有六孝孺有兄孝聞力學篤行先孝孺死弟
孝友與孝孺同就戮亦賦詩一章而死妻鄭及二子中憲中
愈先自經死二女投秦淮河死宗族親友前後坐死者數百
人孝孺工爲文章醇樸雄邁每一篇出海內爭相傳誦永樂
中無敢藏孝孺文者門人王翰濟錄爲侯城集故後得行於

世仁宗卽位論禮部建文中諸臣已蒙顯戮家屬籍在官者
悉宥爲民還其田土其外親戍邊者畱一人戍所餘放還而
孝孺絕無後惟克勤弟克家有子曰孝復洪武二十五年嘗
上書闕下請減信國公湯和所加寧海賦謫戍慶遠衛以軍
籍獲免至是孝復子琬得釋爲民世宗時松江人俞斌自稱
孝孺後謂當摘錄方氏時寧海典史魏澤藏其幼子德宗屬
孝孺門人俞允攜之松江遂爲俞姓一時士大夫信之爲纂
歸宗錄旣而方氏察其僞言於官乃已神宗初有詔褒錄建
文忠臣建表忠祠於南京首徐輝祖次孝孺云福王時贈孝
孺太師諡文正妻鄭誼女弟孝友贈翰林待詔

胡子昭字仲常初名志高榮縣人孝孺爲漢中教授子昭往